



Adresa: **Ul. Hamdije Čemerlića 39a**  
**71000 Sarajevo**  
<http://www.voda.ba>

tel. +387 33 726 422;  
fax. +387 33 726 414  
e – mail: [info@voda.ba](mailto:info@voda.ba)

Broj: **UP-1/21-3-40-259-11/23**  
Datum: **12.10.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Tvornica transportnih uređaja energetik“ d.o.o. Tuzla za donošenje rješenja o vodnoj dozvoli za ispuštanje oborinskih onečišćenih voda sa lokacije pogona za obradu i preradu metala, naselje Solana, Grad Tuzla, na osnovu člana 109. stav (1) tačke 2. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

### **RJEŠENJE** **o vodnoj dozvoli**

1. Pravnom licu „Tvornica transportnih uređaja energetik“ d.o.o. Tuzla daje se vodna dozvola za ispuštanje oborinskih onečišćenih voda sa lokacije pogona za obradu i preradu metala, naselje Solana, Grad Tuzla, na zemljištu označenom kao k.č. broj: 3267/5, 3269/1, 3269/4, 3269/10, 3269/11, 3269/12, 3269/13, 3269/14, 3269/15, 3269/16, 3269/18, 3269/19, 3269/20, 3269/21, 3269/22, 3269/23, 3269/24, 3269/25, 3658/7, 6157, 6158, 6159, 6160 i 6161 K.O. Tuzla I.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
  - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
  - 3.2. Da se objekti čija je svrha odvođenje i prečišćavanje onečišćenih voda (kanali i slivnici, kanalizaciona mreža, separator ulja i masti sa koalescentnim filterom, kapaciteta  $Q = 3 \text{ l/s}$ , taložnici i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
  - 3.3. Prečišćene vode prije ispuštanja u recipijent – rijeku Jalu, trebaju ostati u maksimalno dozvoljenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 26/20 i 96/20).
  - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
  - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
  - 3.6. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u članu 14. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
  - 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
  - 3.8. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
  - 3.9. Čišćenje i pražnjenje separatora ulja i masti te skladištenje i zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je

- obavezan da redovno vodi dnevnik o pražnjenju i odvozu taloga iz separatora ulja masti kao i preuzimanje drugog opasnog otpada.
- 3.10. Skladištenje otpadnih materija koje se mogu javiti u tehnološkom procesu i koje se direktno ili indirektno prikupljaju, a mogu štetno djelovati na okolinu vršiti u adekvatnim kontejnerima i buradima do preuzimanja istih od strane firme registrovane za tu vrstu djelatnosti.
- 3.11. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na prostoru proizvodnih pogona za obradu i preradu metala, naselje Solana, Grad Tuzla, obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog pogona za obradu i preradu metala, naselje Solana, Grad Tuzla, za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **Obrazloženje**

Pravno lice „Tvornica transportnih uređaja energetik“ d.o.o. Tuzla obratio se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda sa lokacije pogona za obradu i preradu metala, naselje Solana, Grad Tuzla, na zemljištu označenom kao k.č. broj: 3267/5, 3269/1, 3269/4, 3269/10, 3269/11, 3269/12, 3269/13, 3269/14, 3269/15, 3269/16, 3269/18, 3269/19, 3269/20, 3269/21, 3269/22, 3269/23, 3269/24, 3269/25, 3658/7, 6157, 6158, 6159, 6160 i 6161 K.O. Tuzla I.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

#### **A. Opća dokumentacija:**

- Rješenje o izmjenama podataka, broj: 032-0-Reg-21-000936 od 21.06.2021. godine izdato od strane Općinskog suda u Tuzli – ovjerena kopija,
- Aktuelni izvod iz sudskog registra izdat od strane Općinskog suda u Tuzli - ovjerena kopija,
- Rješenje o vodnoj dozvoli, broj: UP-I/25-3-40-546-16/18 od 25.03.2018. godine izdato od strane Agencije za vodno područje rijeke Save, Sarajevo – kopija,
- Uvjerjenje o poreskoj registraciji izdato od strane Kantonalnog poreznog ureda u Tuzli dana 17.03.2017. godine – ovjerena kopija,
- Rješenje o urbanističkoj saglasnosti za ugradnju separatora sa šahtom za monitoring, broj: 06/12-23-6471/19 TR od 16.10.2019. godine izdato od strane Službe za prostorno uređenje i zaštitu okoline Grad Tuzla sa grafičkim prilogom broj: 06-23-8471/19 od 16.10.2019. godine – kopije,
- Rješenje o odobrenju za građenje, broj: 06/12-23-10300/2019 TR od 20.01.2021. godine izdato od strane Službe za prostorno uređenje i zaštitu okoline Grad Tuzla – kopija,
- Rješenje, broj: UPI-14-21-2-05567/2022-1405-21-P od 24.05.2023. godine izdato od strane Federalne uprave za inspeksijske poslove – kopija,
- Zapisnik o uzorkovanju otpadnih voda, broj: OV-161/23MS od 30.06.2023. godine sačinjen od strane „Inspekt RGH“ d.o.o. Sarajevo – kopija,

- Računi broj: 665/23-4697 od 31.01.2023., 2743/23-4697 od 28.02.2023., 4832/23-4697 od 31.03.2023., 6950/23-4697 od 30.04.2023., 9036/23-4697 od 31.05.2023. izdati od strane JKP „Komunalac“ d.o.o. Tuzla – kopija,
- Narudžba za materijal br.: 07-1147-3/22JM sa računom broj: 23-360-000001 od 11.01.2023. godine izdatim od strane „Valbih“ d.o.o. Konjic – kopija,
- Računi, broj: 135-2023 od 20.06.2023., 92-2023 od 11.05.2023. godine izdati od strane TTU Tuzla sa pratećim dokumentima – kopija,
- Foto dokumentacija izgradnje planiranih-projektovanih objekata na terenu – kopije,
- Izvještaj o monitoringu kvaliteta i kvantiteta otpadnih voda pogona „Tvornica transportnih uređaja energetik“ Tuzla, broj: 1040/23, juli 2023. godine urađen od strane „Inspekt RGH“ d.o.o. Sarajevo,
- Ovlaštenje za obavljanje djelatnosti projektovanja, broj: UPI/03-19-2-42/20 od 17.06.2020. godine izdato od strane Federalnog ministarstva prostornog uređenja – kopija,
- Ovlaštenje za obavljanje djelatnosti građenja/izvođenja radova, broj: UPI/03-19-2-10/20 od 10.08.2020. godine izdato od strane Federalnog ministarstva prostornog uređenja – kopija,
- Obavještenje o razvrstavanju pravnog lica prema klasifikaciji djelatnosti, broj: 07-32.5-40168/17 od 16.03.2017. godine izdato od strane Službe za statistiku za područje Tuzlanskog kantona – kopija,
- Rješenje o odobrenju za korištenje objekta rezaone materijala, broj: 06-03/4-360-46-1 od 09.07.1986. godine izdato od strane Opštinske komisije za prostorno uređenje, izgradnju, stambene i komunalne poslove Tuzla – kopija,
- Rješenje o odobrenju za korištenje hale za proizvodnju teške opreme, broj: 06-03/4-360-47-2 od 09.07.1986. godine izdato od strane Opštinske komisije za prostorno uređenje, izgradnju, stambene i komunalne poslove Tuzla – kopija,
- Rješenje o odobrenju za upotrebu hale za reduktore, broj: 06-03/5-360-44/86 od 28.05.1986. godine izdato od strane Opštinske komisije za prostorno uređenje, izgradnju, stambene i komunalne poslove Tuzla – kopija,
- Operativni plan i uputstvo o održavanju, korištenju i osmatranju objekata i postrojenja u slučaju kvara ili havarije na vodnim i kanalizacionim instalacijama, januar 2019. godine,
- Dokaz o uplaćenju federalnoj upravnoj pristojbi na zahtjev.

#### B. Tehnička dokumentacija:

- Glavni projekat kanalizacije na lokalitetu poslovnog objekta „TTU Energetik“ d.o.o. Tuzla sa rješenjem tretmana zagađenih oborinskih otpadnih voda, urađen od strane JPVD „Spreča“ d.d. Tuzla, maj 2023. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uvidaj na prostoru pogona za obradu i preradu metala, naselje Solana, Grad Tuzla i tom prilikom sačinjen Zapisnik o izvršenom uvidaju broj: UP-1/21-3-40-259-9/23 od 10.10.2023. godine.

Na osnovu dostavljene dokumentacije, izvršenog uvida na licu mjesta utvrđeno je sljedeće:

- U skladu sa zahtjevima iz Rješenja o vodnoj dozvoli, broj: UP-I/25-3-40-546-16/18 od 25.03.2018. godine pravno lice je bilo u obavezi da realizuje aktivnosti na terenu u skladu sa: Projektom izvedenog stanja vanjskog vodovoda i kanalizacije na lokalitetu poslovnog objekta „TTU Energetik“ d.o.o. Tuzla sa rješenjem tretmana zagađenih oborinskih otpadnih voda, urađen od strane JPVD „Spreča“ d.d. Tuzla, januar 2019. godine. Realizacija aktivnosti je trebala pratiti Dinamički plan aktivnosti sa rokovima za njihovu realizaciju, broj: 04-619/19 od 14.03.2019. godine koji je uradio podnosilac zahtjeva.
- Projektnim rješenjem bio je obuhvaćen cjelokupan prostor ranijeg kompleksa „TTU Energetik“ d.o.o. Tuzla koji je u međuvremenu (cca 40% ranije površine) prodat društvima: JKP „Vodovod i kanalizacija“ Tuzla, „Centralno grijanje“ d.d. Tuzla i „Tuzla-Remont“ d.o.o. Tuzla (Hotel Salis), čime je projektovani sistem postao predimenzioniran ali i praktično neprovodiv jer je obuhvatao i nekretnine koje su prešle u vlasništvo naprijed navedenih subjekata, a koji u tom periodu nisu planirali rješavanje pitanja oborinskih i otpadnih voda, pa time nisu bili niti spremni na eventualno zajedničko ulaganje u realizaciju tog sistema.
- Pored predhodnog, bitno je istaći da pravno lice nije ostvarilo planirane finansijske rezultate koji bi omogućili realizaciju planiranih investicija, između ostalog i sistema za tretman onečišćenih oborinskih i otpadnih voda, jer je u 2019. godini ostvarilo značajan poslovni gubitak a u narednim godinama minimalnu dobit, nedovoljnu za bilo kakve investicije. JP EP BiH d.d. Sarajevo kao većinski vlasnik, u proteklom periodu iako je to bilo planirano, nije vršilo investiciona ulaganja.



- Neplanirana fluktuacija radne snage usljed izmjene zakonskih propisa vezanih za prijevremeno penzionisanje radnika kao i opći odliv radne snage, posebno mladih radnika, radi rada u inozemstvu, odrazili su se na ukupno poslovanje.
- Poremećaji na tržištu čelika koje je uzrokovao Covid -19 u smislu njegovog značajnog poskupljenja, zatim nemogućnost ostvarenja planiranih finansijskih rezultata, kao i izostanak investicionih ulaganja osnivača bitno su promijenili usmjerenje Društva u smislu prirode i vrste poslova kojima će se baviti.
- Uz uvažavanje prethodnog, donesen je zaključak o potrebi izmjene projektnog rješenja, njegove prilagodbe stvarnom stanju i potrebama proizvodnog procesa. Angažovana je projektantska kuća JPVD „Spreča“ d.d. Tuzla koja je sačinila i prvobitno projektno rješenje i koja je uradila Glavni projekat kanalizacije na lokalitetu poslovnog objekta „TTU Energetik“ d.o.o. Tuzla sa rješenjem tretmana zagađenih oborinskih otpadnih voda, maj 2023. godine.
- Glavnina proizvodnog procesa tvornice „TTU Energetik“ d.o.o. Tuzla je tzv. „suhi proces proizvodnje“ koji se odvija u zatvorenom prostoru pri čemu nastala metalna prašina/špena gravitira prema tlu pored mašine odakle se svakodnevno kupi i odlaže u bazen za metalnu špenu/prašinu.
- Proizvodni sistem se odvija u 4 hale i više skladišnih prostora. U Hali 1 se vrši proces rezanja metala pri čemu se ostaci čiste suhim putem (metlom) i odlažu u specijalizirane posude koje se redovno prazne u bazen za špenu.
- U Hali 2 se vrše bravarsko-zavarivački poslovi pri kojima nastaju metalni opiljci koji se kao i u Hali 1 jednako tretiraju i odlažu.
- U Hali 3 – (hala teške opreme) vrši se montaža i utovar gabaritnih dijelova i opreme, te prema potrebi procesa montaže bravarsko-zavarivački poslovi pri čemu također nastaje isključivo suhi otpad sa tretmanom kao i u halama 1 i 2.
- Hala 4 je prostor u kojem se vrši mašinska obrada metala pri čemu dolazi do nastanka zamašćene špene koja gravitira prema tlu na koje su postavljene specijalizirane posude koje se svakodnevno prazne u bazen za špenu koji se nalazi neposredno pored Hale.
- Otpadno ulje koje nastane u procesu održavanja i servisiranja mašina prikuplja se u odgovarajuće kade koje se nalaze ispod mašina, a nakon toga odlažu u bačve i kante koje odvozi specijalizirana firma.
- U dijelu Hale 4 nalazi se sistem termičke obrade u kojem se koriste ulja koja se dopremaju i nakon korištenja otpremaju preko specijalizirane firme sa kojom je sklopljen ugovor za ovu vrstu usluga.
- Potencijalna opasnost od onečišćenja dolazi isključivo u procesima proizvodnje u Hali 4 zbog čega je novo projektno rješenje obuhvatilo ovaj proizvodni prostor sa bazenom za špenu koji se nalazi neposredno pored Hale.
- Zamašćenja uljna špena rješava se kroz sistem taloženja ulja/emulzija u postojeći taložnik i pražnjenje istog od strane specijaliziranih firmi, a špena povremenim odvozom preduzeća specijaliziranih za ovakvu vrstu otpada.
- Osim navedenih proizvodnih pogona u krugu tvornice nema parking prostora već isključivo interne saobraćajnice preko kojih se vrši trenutni transport materijala i roba uz minimalno zaustavljanje dostavnih vozila samo u periodu istovara/utovara.
- Repromaterijali (čelične šipke, limovi, cijevi, profili i sl.) se skladište u natkrivenim zonama bez kontakta sa oborinskim vodama, dok se zapaljive tečnosti i naftni derivati (ulja, maziva, emulzije i sl.) skladište u skladištu lakozapaljivih materija koje je izgrađeno prema standardima za skladištenje ovakve vrste materije. I ovo skladište je izgrađeno u neposrednoj blizini Hale 4, prostora za odlaganje špene i čišćenje zamašćene opreme kako bi se mogućnost eskalacije i onečišćenja minimizirala.
- Odlaganje zamašćene špene i metalnih opiljaka se vrši u bazenu za špenu tj. taložnik koji je rehabilitovan. Dimenzije taložnika iznose cca 3,6x2,0x1,5 m. Preliv iz taložnika zamašćenu komponentu odvodi do taložnika promjera  $\phi$  1,5 x1,80 m - zatvoren sistem, pražnjenje taložnika se vrši po ugovoru sa specijaliziranom firmom.
- Izgrađen je sistem za prikupljanje oborinskih onečišćenih voda sa radno-manipulativnih površina (slivnici, rešetke, kanali) putem kojih se prikupljena oborinska voda odvodi do taložnika. Nakon taloženja voda se odvodi do separatora ulja i masti sa koalescentnim filterom prema normi EN ISO 858-1 u skladu sa sistemom 1. Kapacitet separatora iznosi 3 l/s.
- Izvršen je tehnički prijem izgrađenih objekata i sadržaja i o istom je sačinjen i Zapisnik komisije broj: 051-02-4-1847/23 od 25.09.2023. godine.
- Uzorkovanje oborinskih onečišćenih voda iz okna za monitoring urađen je od strane „Inspekt RGH“ d.o.o. Sarajevo. Rezultati monitoringa tj. kvantitativnih i kvalitativnih karakteristika efluenta iz mjeseca juna 2023. godine (broj 1040/23) ukazuju da rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj 26/20, 96/20).

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog pogona za obradu i preradu metala, naselje Solana, Grad Tuzla i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 115 - 118. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Tvornica transportnih uređaja energetik” d.o.o. Tuzla ispunio minimum uslova za izdavanje vodne dozvole za ispuštanje oborinskih onečišćenih voda nastalih na prostoru proizvodnih pogona za obradu i preradu metala, naselje Solana, Grad Tuzla, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13). Podnosilac zahtjeva je uplatio i posebne troškove koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH”, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-259-10/23 od 11.10.2023. godine.

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B obrazloženja rješenja

29 Po ovlaštenju  
Rukovodilac sektora za izdavanje vodnih akata

  
Haris Ališehović, dipl. inž. građ.

Dostaviti:

- TTU Energetik d.o.o., 18. hrvatske brigade 25, 75000 Tuzla, (kao u prilogu),
- ⊕ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava